


Debi na morto repentino di su co fundador, Adolfo “Mo Dochy” Oduber

Tur toca di Grupo di Betico a para den fin di siman te proximo aviso

Ta dicidi despues di entierro ki dia ta resumi toca nan di e banda



ORANJESTAD – Cu morto repentino di conocido Adolfo Oduber siman pasa, hopi famia den circulo di partido MEP a keda afecta tambe. Bon Dia Aruba a compronde cu Adolfo “Mo Dochy” Oduber ta tata di conocido director di Bureau Intelectuele Eigendom y lider di Grupo di Betico Goswin Oduber, y demas integrante Danny y Rigo.

Como tal tur toca den fin di siman di Grupo di Betico a para te proximo aviso. Bon Dia Aruba a compronde cu despues di entierro diamars awor, lo dicidi ki dia ta continua cu e toca nan e banda popular aki. Ta conoci cu e grupo aki ta masha hopi ocupa durante dianan di fiesta y e fin di siman aki tambe nan tabata completamente ocupa cu toca. Tin dia riba cual nan tin 3 toca pa cumpli cune.

E fin di siman aki so caba nan tabatin mas di 5 toca planea pa cumpli cune, cuminsando diabierna anochi pa finalisa diadomingo anochi laat, di cual un di e dianan tabatin 3 toca planea. Pero tur esaki mester a keda cancela debi na e morto repentino.

Mo Dochy ta tambe omo di respet di Minister Rudy Croes, Omo legitimo di Prome Minister Nelson Oduber, tata di coordinadora di presupuesto di henter ministerio di husticia Arleen Schwengle Oduber. Bon Dia Aruba ta manda palabra di forza na famia Oduber/Croes y ta desea nan forza cu e perdida aki.